

11. Da li su poduzete aktivnosti u cilju modernizacije, restrukturalizacije i konsolidacije djelovanja javnih preduzeća i rudnika?

Odgovor: *Da, Federalno ministarstvo energije, rударства i industrije zajedno sa Vladom Federacije BiH poduzelo je aktivnosti u cilju modernizacije, restrukturiranja i konsolidiranja javnih preduzeća i rudnika.*

Kada je u pitanju zakonska regulativa kojom se uređuje djelovanje privrednih društava i javnih preduzeća u Federaciji BiH, Ministarstvo je pokrenulo aktivnosti na izmjenama i dopunama Zakona o privrednim društvima i Zakona o javnim preduzećima sa ciljem daljeg usklađivanja sa kompanijskim direktivama i OECD principima korporativnog upravljanja. Važeći zakoni (Zakon o privrednim društvima i Zakon o javnim preduzećima) daju punu slobodu za pristupanje gore spomenutim aktivnostima, ali Ministarstvo je ipak pokrenulo aktivnosti na izmjenama i dopunama tih zakona kako bi se neki uočeni nedostaci precizirali kao i uvođenje nekih drugih aktivnosti.

Takođe, jedan od alata koji može pomoći ovoj aktivnosti je i Zakon o javno-privatnom partnerstvu, pripremljen u formi Prijedloga i vrlo brzo će o njemu raspravljati Vlada Federacije BiH i Parlament Federacije BiH kao i Zakon o finansijskoj konsolidaciji privrednih društava u Federaciji Bosne i Hercegovine („Službene novine Federacije BiH“, br. 52/14, 36/18 54/19 i 48/21) čije će se izmjene i dopune vrlo brzo naći na raspravi i usvajanju.

Zakonom o električnoj energiji u Federaciji BiH („Službene novine Federacije BiH“ br. 66/13, 94/15 i 54/19) je utvrđeno da će prestrukturiranje postojećih elektroprivrednih preduzeća biti izvršeno u skladu s Programom o prestrukturiranju elektroenergetskog sektora u Federaciji BiH, koji donosi Vlada Federacije BiH uz saglasnost Parlamenta Federacije BiH.

Na 10. redovnoj sjednici Predstavničkog doma Parlamenta Federacije BiH dat je prijedlog da se faza 1. Programa produži na 36 mjeseci od dobivanja saglasnosti Parlamenta Federacije BiH, a cijeli Program na 60 mjeseci, što je prihvaćeno od strane predstavnika Vlade Federacije BiH, te je isti upućen Domu naroda Parlamenta Federacije BiH na daljnju proceduru. Tek nakon dobivanja saglasnosti i od Doma naroda Parlamenta Federacije BiH na Program, biti će poznati termini završetka pojedinačnih faza prestrukturiranja, tj. planski termini finaliziranja procesa prestrukturiranja.

Programom restrukturiranja rudnika u Federaciji BiH predviđena je reorganizacija i modernizacija rudnika. Reorganizacija rudnika prije svega podrazumijeva analizu i

unaprjeđenje postojeće organizacije rudnika kako bi se postiglo što kvalitetnije upravljanje troškovima proizvodnje, povećanje produktivnosti kroz unaprjeđenje radno-tehnološke discipline te iskoristivosti proizvodnih kapaciteta i povećanje odgovornosti upravljanja na svim nivoima.

Modernizacija rudnika se ogleda u investicionim ulaganjima u nabavku rudarske opreme, a prioritet ulaganja su tehnologije, uređaji i zaštitna sredstva u funkciji kolektivne i pojedinačne sigurnosti radnika, omogućavanje bolje iskoristivosti i lakše eksploatacije ležišta uglja i povećanja produktivnosti.

Kao što je i definisano Programom o prestrukturiranju elektroenergetskog sektora u Federaciji BiH, u fazi 1. bi se donio dugoročni plan tranzicije za sektor rудarstva u Federaciji BiH uzimajući u obzir globalni proces dekarbonizacije i transformacije elektroenergetskog sektora, odnosno dugoročne planove koje Bosna i Hercegovina treba donijeti na osnovu Pariškog sporazuma i Ugovora o Energetskoj zajednici. Uvažavajući potrebe za ugljem koje će proisteći iz ovih planova i aktuelno tehnološko i finansijsko stanje svakog pojedinačnog rudnika, bit će pripremljeni pojedinačni planovi svakog rudnika za dostizanje produktivnosti potrebne za održivo poslovanje, koji će podrazumijevati i odluke o dinamici prestanka rada neperspektivnih pogona. U fazi 2. bi se implementirali planovi za održivo poslovanje rudnika utvrđeni u prvoj fazi. Istovremeno, elektroprivredna preduzeća bi uradila dodatne analize i, na osnovu njih, donijele odluke u vezi prestrukturiranja djelatnosti rудarstva, vodeći računa o budućim potrebama zamjenskih kapaciteta u termoelektranama.

Imajući u vidu da su postavljena pitanja vrlo suptilna, a čiji se odgovori ponekad ne mogu dati eksplicitno u nekoliko rečenica, pokušali smo Vas malo širim odgovorima upoznati sa aktivnostima koje vodi Federalno ministarstvo energije, rудarstva i industrije zajedno sa Vladom Federacije BiH, kako bi Vi donijeli ispravnu prosudbu i kako bi javnost bila upoznata.

Ovo su procesi koji zahtijevaju dosta vremena, znanja, volje i bit će zasigurno u nekim dijelovima i bolni, ali stalo nam je da je javnost ispravno informirana kako bi bilo više razumijevanja svih učesnika u ovim procesima.

S poštovanjem,

Dstaviti:

- Naslovu
- Evidenciji
- a/a

